

UZTA APARTA



Sagardo ederra dastatu ahal izango da aurten. JAGOBA MANTEROLA / ARGAZKI PRESS

Guztira 13 bat milioi litro sagardo egin dira Euskal Herrian 2015. urteko uztan. Horretarako, %60-70 inguru erabili da hemengo sagarra, eta gainerakoa kanpotik ekarri behar izan da.

2015eko uztako sagardoa prest dagosa-gardotegietan, txotx garaian nahiz botilatuta dastatu ahal izateko. Oro har, uztaz aparte izan da Euskal Herrian, bai kopuruz eta baita kalitatez ere. Azken urteetako sagar kopururik handiena bildu da Gipuzkoan, eta, eguraldiak eraginda, izaera eta gorputz handiko sagardoak lortu dira oro har, aromatikoki freskoak eta ahoan biribilak.

Guztira hamahiru bat milioi litro sagardo egin dira Euskal Herrian 2015eko uztan. Horretarako, %60-70 inguru erabili da hemengo sagarra, eta gainerakoa, %40-30, kanpotik ekarri behar izan da.

2015eko uztako sagardoa, oro har,

honelakoa da: freskoa, usaintsua, fruta usain freskoak dituena, ahoan gorputz ederrekoa eta txinparta finekoa.

Gipuzkoan egin da Euskal Herriko sagardoaren % 95, eta aurten sagar asko eta ona izan da ia leku guztietan. Sagardoaren % 60-70 bertako sagarra-ekin egin da Gipuzkoan. Gipuzkoako Sagardogileen Elkarteak «gustura» dago orain arteko emaitzarekin.

Nafarroan 200.000 litro inguru sagardo egin dituzte 2015eko uztan, Nafarroako Sagardogileen Elkarteak jakinarazi duenez. Aurten %100 Nafarroako sagarrarekin egin dute, eta kalitate handiko sagardoa izan dute, sagar ona izan baita, beste herrialdeetan bezala.

TXOTX GARAIA

Euskal Herriko sagardotegi ugari-tan izango da 2015eko uztaz dastatzeko aukera, botilan ez ezik txotxean ere. Txotx garaia hasteko ekitaldiak ohitura bihurtu dira, eta 2016an egun hauetan izango dira:

Urtarrilaren 13a: Sagardo Berriaren Eguna Astigarragan. Sagardotxean eta Zelaia sagardotegian.

Urtarrilaren 14a: Arabako txotx garaia hasiera, Trebiñu sagardotegian, Askartzan.

Urtarrilaren 15a: Nafarroako txotx garaia hasiera, Toki Alai sagardotegian, Lekunberrin.

Urtarrilaren 16a: Txotx garaia hasiera Hernanin.

Urtarrilaren 20a: Bizkaiko txotx garaia hasiera, Uxarte sagardotegian, Zornotzan.

Urtarrilaren 22a: Goierriko txotx garaia hasiera, Urbitarte sagardotegian, Ataunen.

Urtarrilaren amaiera: Azkaineiko Txopinondo sagardotegian Txotx Berri edo sagarno berriaren eguna egingo dute, urtero bezala.

Bizkaian, 250.000 litro inguru sagardo egin dituzte, iaz baino gehiago. Sagardo asko eta ona izan da, eta emaitzarekin «gustura» daude Bizkaiko Sagardogileen Elkarteak. Bizkaian ere sagardoa %100 bertako sagarren bidez egin dute.

Arabian, berriz, 120.000 litro inguru egin dituzte, erdia sagardoa eta erdia muztioa, Arabako Sagarzaleen eta Sagardogileen Elkarteak jakinarazi duenez. Urtez urte gora doa muztio produktzioa, eta geroztik eskari handiagoa dago.



LIZEAGA
Sagardotegia

ASTIGARRAGA • 943-46 82 90



Lizeaga Sagardoa,
hori gozamina!

edan
eta
eman
edatera